

## Premio Boeli Van Leeuwen 2015 pa sombra di color

**WILLEMSTAD – Antropologo Angela Roe diasabra a gana e prestigioso premio Boeli van Leeuwen 2015.**

El a haya e premio pa su cine Sombra di Color, cu ta denuncia e tambu riba color y rasa na Corsou. Cada dos aña riba Boeli van Leeuwen su fecha di nacemento gobierno di Corsou ta entrega e premio. E premio ta consisti di 10 mil florin, un certificado di aprecio y un escultura chikito di brons, traha pa e escultor Hulandes internacionalmente famoso Cornelis Zitman cu ta biba na Caracas. A presenta e di cuater edicion na Hotel Avila, caminda Boeli van Leeuwen te na su morto na 2007 tabatin su luga vast di sinta. E tabata bin bebe koffi cu amigo y conoci y tabata discuti topi-

conan literario, cultural, politico y estatal. E hurado a elogiar Roe y su cineasta Selwyn de Windt y Hester Jonkhout pa e cine pasobra e ta kibra tambu y a lanta un debate amplio tocante color y rasa. “Completamente segun e ideanan di Boeli van Leeuwen, cu tabata resisti maneranan di haci impone como herencia di un comunidad colonial segmenta.” “Cu e premio aki e topico di color y racismo ta haya reconocimiento”, Roe ta bisa. “Ta un tema cu nos mester haci algo cu esey y si gobierno duna atencion na esaki, e ta haya un balor nobo: sali for di e area di tambu. Hulanda y Corsou tin miedo di papia di rasa y esaki awor ta cambiando poco, poco. E premio pa mi ta un empuhe pa mi, pa mi sigui.” □

